

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Не деген керемет күн

ЖАРИЯЛАНДЫ  
29.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/130340/>

## НЕ ДЕГЕН КЕРЕМЕТ КҮН

Не деген керемет күн!  
Жаныда бәрі даяр не керектің;  
Көрінеді гүлдерің бүр жарғаны,  
Естіледі ұшқаны көбелектің.  
Не деген керемет күн!  
Естіледі бал-ара нәр сорғаны,  
Бармақтай балапан құс ән салғаны.  
Бәрін де кеудесіне қондырып ап,  
Дала бір рахатта,  
Дел-сал жаны.  
Таулардың самал ессе балағынан,  
Гүлдер тұр үзілердей сабағынан.  
Шартарапта шауып жүр нұр мен шуақ  
Шашырап күңнің алтын табағынан.  
Сусындап көк аспанның шанатынан,  
Шарықтап шыңырауда ана-қыран;  
Ару-жер өз дидарын қарап жатыр,  
Мөп-мөлдір, тұнық көктің жанарынан.  
Не деген керемет күн!  
Кейпіне елітесің төңіректің.  
Қаласа мына жатқан сәби-дүние.  
Келеді өміріңді бере кеткің...  
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.